

# Les charges du pays de Luxembourg

en 1464,

par Dr. N. VAN WERVEKE.

## IV.

Autres charges sur ledit domaine de Luxembourg tant pour gaiges et émolumens des officiers de justice comme de receipt quy se payent par lettres propres . . . . des prouffictz venant de leur recepte.

1° *Gaiges des officiers de justice.* Le prévost de Luxembourg a chascun an pour gaiges qu'il prend en argent en ses comptes sur les exploix de son officier pour ung porc 8 frans vielz qui valent 8 fl. 8 g. de Metz; et sy prent encor pour gaiges sur la recepte du demaine de Luxembourg 30 maldre soile; item 50 maldres d'avoine et 2 charges de vin. *Emolumens.* Ledit prévost prent encore chascun an sur le schaff de Linche quy se lieve en may et à la saint-Remy à chascun desdits termes 16 patars, font par an 32 sols; item encore prent ledit prévost sur le schaff de . . . pareillement esdis 2 termes 32 sols, et quant l'on fait une demande de grasse chair, que le nome ayde, pour la charge que ledit prévost a fere avoir des bonnes gens de la prévosté, il a acoustumé d'ancienneté avoir 10 florins.

2° *Le prévost d'Arlon* prent chascun an pour gaiges sur les exploix de son office en argent 60 vielz frans, vallant 65 fl. 6 s.; ledit prévost a encore pour une robe par an sur lesdits exploix 10 desdis frans, valant 10 fl. 8 s.; ledit prévost prent encore sur lesdits exploix pour ung porc 7 frans vielz, valant 7 fl. 12 s. 6 d.; ledit prévost prent encor chascun an sur la recepte du domaine d'Arlon et quy est acoustumée estre passée en la despence des comptes du recepveur, 7½ muyds de froment, dito 7½ muyds de soile et 30 muyds d'avoine, et sy prent encor ledit prévost les prouffitz du pré de Monseigneur gisant à Hersey, lequel vault par an environ 7 charées de foing.

*Emoluments.* — Ledit prévost a chascun an au renouvellement et re-création des maire et eschevins de vielz cours de la prévosté d'Arlon quy se font chascun an environ le Noël, à quoy par consentement des habitans des lieux ledit prévost y conduit les plus ydoines etc. et doibvent audit prévost chascun aucunes courtoisies, lesquelles peuvent valoir environ 9 fl. — Ledit prévost a encor de ceulx des justices des franchises villes en ladite prévosté quy se règlent selon la loy de Beaumont au dimenche devant la pentecoste, quand ilz rendent à ung prévost les amendes advenues et escheuz en l'année précédent, et doibvent lors audit prévost pour son vin quy peult monter par an environ 40 bannies, et semblablement de iceulx des justices des vielz comptes 1 franc.

3° *Le lieutenant du prévost d'Arlon* a acoustumé avoir chascun an sur les exploix du prévost d'Arlon pour une robe ½ florin. — Ledit lieutenant a, pour fere les constraintes du paiement des vins, des terrages de plusieurs franchises villes en la dite prévosté quy se règlent selon la loy de Beaumont, sur chascun desdis terrages 8 gros par an et peult valoir par an 2½ florins. — Ledit lieutenant prent les drois du tonlieu quy eschiet à cause des marchandises quy se font au jour saint Jacques, à la dédicasse de Messancy, lesquelz drois peuvent valloir par an 1 fl. 8 gr. — Ledit